

دائرة مخصوصه

در سعادتده باب عالی جوارنده

محل اداره :

مشرط القلم

اخطار :

مسلكمزه موافق آثار جديده مع المنوويه

قبول اورانور

درج ايندلهين آثار اعاده او تبار

ديره، فلسفه، علوم، حقوق، ادبياتده و سياسياتده و باطامه كرك سياسي و كرك اجتماعي و مدني احوال و مشورده اسلاميه و در بحث ايدر و هفته ده بر نشر اورانور.

آبونه بدلی

سنه لکی التي آیلنی

ممالك عثمانیه ایچون	۸۰	۴۰	غروش
روسیه	»	۳۰۵	روبله
سائر ممالك اجنبیه	»	۹	فرانق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلنیر

عدد : ۸۳

۲۵ ربیع الاول ۳۲۸ پنجشنبه ۲۴ مارت ۳۲۶

در دنجی جلد

ایده‌م بارباروسک نام ابد شانی یاد
 وطنه ایتدیکی خدمت‌لری برده تعداد
 ایله‌ین صولتنه بحر سفیدی منقاد
 او قوجه قهرمان ، اول داهیة شیرنهاد
 مانی قیلدی حیاتنده بلادن آزاد
 بزده بر زرهلایله ایله‌یم روحنی شاد
 ویردم هایدی دونمایه بوتون وارمنی
 *
 خلق تدقیق ایدیور دیده دقتله بزى
 بیایور اوریا نقصانی بحریه منی
 هایدی اقدام ایله محوایله‌یم بز او ایزی
 طانیسین غافل اولانلرینه ای قوم سزى
 اولنره کوستریکز حس جوانمردکزی
 سفن حرب ایله زینتله‌مک اوزره دکزی
 ویره‌م هایدی دونمایه بوتون وارمنی
 ظاهر المولوی

عالم اسلام

قوله رانی

احوال عالم اسلام حقنده

کچن هفته دن مابعد

ماهی عمر (بامارفا) افندیکی نطفی

افندیلر ،

پک ناقص بیلدیکم روس لساننک وساطتیه سزه بعض افادانده
 بولونقلغمه لطفاً مساعدده ایدیکنز .

روسیه‌لی اسلام طلبه جمعی طرقتدن مشهور سیاح وعالمکز عبدالرشید
 ابراهیم افندی شرفه ویران بوعتشم قونفرانسه بولونقله شرفیاب
 اولیورم . بوراده بولونقله مشرف اولدیغمدن طولای کندمی بختیار
 عدایدرم . کندم حقنده سوز سولیککی زائد کوردم . سزه ترجمه
 حاله دائر اوزون سولیک ایسته‌م ، چونکه صداعکزی موجب اولور .
 بالخاصه مملکتکیزک بیوک ، معتبر وسویملی غزته‌لری بو خصوصده پک
 چوق شیلر یازهرق حقنده اونوداسی غیرقابل برچوق قیمتدار سطرلر
 ژاپون قاردشکره تخصیص ایتدیلم .

سزه طوغروسی سولیه‌یم : کوزل مملکتکیز حقنده کی ایلك
 تأثرم فوق العاده بارلاقدر . پرلنطه آسا بوسفورکزی الی‌الابد
 اونوته‌میه جغم . هله مکه ، مدینه ، وسوریه‌ده کوردیکم آثار حسن
 قبول نی قلمدن سزه زوال ناپذیر بر صورتده ربط ایتدی . هریرده
 کوزل حسن قبوللر کوردم . بالخاصه بوسفورده کیکمکم نی نامحدود
 بر بختیاریه نائل ایتدی .

آره کزده بکا نه حرارتلی القیشلر یاییلمادی ... ذاتاً بکا نروده
 اسلام مهمانپور لکنک ائ یوکسک نمونه‌سی کوسترلمدی ...
 خصوصیه بنده الیوک تأثیر براقان ... - بواک بیوک تأثیر سبیل
 سزه قلمدن تشکرلر ایدرم - عالم اسلامک ژاپونیا به قارشى کوستردیکی
 انجذاب وتوجه عمومی در .

روس - ژاپون محاربه‌سنده بتون عالم اسلام اللرینی کولکره
 قالدردرق ژاپونلرک غالبیتی ایچون دعا ایتشلردی ... اهل اسلامک
 بالاتفریق هر فردی ژاپونلرک ظفرنی قلمدن ایسته‌مشدی .

سزه صورارم وکندمه صوریورم : نه ایچون بزم بو ظفر منحقنده
 سز دستکش اوله‌رق دعا ایدیور دیکز ؟ ...

مسلمانم الحمدلله ، اعتراف ایدم : الحمدلله بو بر وحدت قایبه‌در ...
 ایسته بونی اکلا یورم ...

[حاجی عمر افندی بوراده فیضان حسیاتیه سوز بوله‌میه‌رق ژاپونلرله
 عالم اسلام اره‌سنده حاصل اولان صمیمیت وانجذاب متقابل
 تکرار ایتدیکی « الحمدلله ، کلمه‌مبجله‌سیله افهام ایتک ایسته‌یور وسامعینک
 قلبنه اجرا ایتدیکی الهاماتک اثر تأثیری اوله‌رق دقیقه‌لرجه سورن
 القیشلرله تقدیر ایدیوردی .]

ابراهیم عبدالرشید افندی حضرته‌لری مملکتکیزک الیوک رجل
 حکومتیه « آسیا-غی-قای » نامنده مرکزى توکیوده اولمق اوزره
 بر جمعیت وجوده کتیردیلم . جمعیتمز پروغرامنک مقصد اولیسی :
 ژاپونلر آراسنده فکر اسلامیتی نشر ایتک وبر اتحاد اسلام حصوله
 کتیرمکدر . [سورکلی القیشلر] بوجعیت نی ایلك ژاپون حاجیسی
 اولمق اوزره مرکز عالم اسلامه کوندردی . [شدتلی القیشلر]
 مأمور اولدیغم وجهله مسلمانلرک حیات صاف وعقیفی تدقیق وظیفه‌سی
 بکا ویریلدی . حجازده بالذات اهل اسلام ایله یشادم ، وحیاتلرینی
 کوردم . سیاحتمدن مقصد حیات اسلامی تدقیق ایتک اولدیغی کبی ،
 نتیجه‌سی ده مملکتتمه اساله روح دیانت و اسلامیت ایتکدن عبارت
 اوله‌حق در . [القیشلر]

عبدالرشید افندیکنک توصیه‌سیله انهای حجه برچوق اکابر اسلامه
 کوروشدم ، تعاطی فکر ایتدم ، ورنورایت دینییه ایچنده یشادم .
 [القیشلر]

تکرار ایدرم ، هریرده بیوک صمیمیت کوردم . هریرده عثمانیلردن
 بتون اهل اسلامدن بیوک توجهله مظهر اولدم .

ژاپونیا به دائر بر آراز اول برقاچ دفعه خاطر کزده کتیره‌ش وروس -
 ژاپون محاربه‌سنده کوستردیکنک صمیمیتی ، توجهی اسان شکران
 ایله یاد ایتشمدم ، ینه تکرار ایدرم ، سببی شمدی ایی اکلا دیم بو
 حسیات صمیمیه کزی هیچ بر زمان اونوتمایه جغم [القیشلر] بزم
 جمعیتمزده بونلری اصلا اونوتمایه حقدر [القیشلر]

صوک زمانلرده مملکتکیزدن برقاچ تاغرافنا به الدم . جمعیتمز عرق
 آسیائی‌نک مهاجرله قارشى محافظه موجودیت ایده‌بیامک اوزره اک
 صوک مآثر غیرتنی صرف ایده‌جکینی یازیور (القیشلر) حتی توکیوده
 بر مکتب اسلام کشاد وتأسیس ایتک تحت تصورده در (القیشلر)

اولاً، آسیا طوغمشدر؛ او چوراق قطعه ده مذلت ایچنده یاشایان اقوام یکرمنجی عصردن اعتباراً یکی حیاته کیرمش نوزادلردر.

ثانیاً، بوندن صوکر تورکک و علی العموم اهل اسلامک وظیفه سی آسیا ده در. یعنی بزم متفکر کنجلمزک دماغی آسیا دها زیاده یوره جق در.

برنجی نقطه یی اله آله لم: آسیا طوغمشدر، دیپورم، شرقده آسیانک اقصابی میزند زاپون کونشنک طلوع ایتش اولدیفنی بیلمین کیم واردر؟ زاپونلر کندی مملکتلرینه یوکسلمکده اولان کونش اسمنی ویریرلر. زاپونیا برشمس صاعددر. بیوک زاپون قومی اقصابی شرقی تمدین ایتک وظیفه تاریخیه سنی اوزرینه آلمشدر، چالیشمقده دوام ایدیور؛ و مقصدینه نائل اوله جنی امیدینی کوستریور. تکرار ایدرم، آسیا طوغمشدر. چونکه اقصابی یسارنده دیگر بر بیوک قوم یکرمنجی عصرابتداسنده عالم حیاته باشقه صورتله قدم باصیور. بو نوزاد، تورک قومی در.

زاپون کونشی یارلاقدر، بوکا مقابیل تورک قومی ده سونوک دکدر، اوده پارلامقده، یوکسلمکده در. یعنی آسیای نور ضیا و عرفانه غرق ایدمک بویکی قومک بری شمس صاعد ایدمکری ده هلال صاعددر. (سورکلی آقشدر).

بوندن یدی، سکیز سنه اول هندستان والیسی کورزون ایراد ایتدیکی اوزون بر نطق سیاسیسنده آسیانک یکرمنجی عصردن اعتباراً یکی بردوره حیاته کیردیکنی سویلیور. و آسیانک درت جمله جریان افکارک تحت تأثیرنده بولندیغنی ادعا ایدیوردی: تورک، زاپون، انگلیز، روس جریان مدنیتلری. بوجریانلره مترافق اوله رق آسیا ده درت دولت معظمه واردر. آسیا یکرمنجی عصرده آنجق او بیوک قوملرک ید اداره سنده حرکت ایدمک، راهبری تمدنیه سلم تکامله صاعد اوله جقدر.

بو درت قومک ایکسی آسیانک یبانهجیسی در: انگلیز و روس قوملری. انگلیزلر بالخاصه هندستانده وظیفه مدنیله لرینی قابل اولدیفنی قدر اجرایه چالیشمقده درلر. بوکا مقابیل روسلرده آزچوق موفقیته وظیفه تاریخیه، وظیفه اجتماعیه و وظیفه مدنیله لرینی آسیانک قسم شالیمقده اجرایه چالیشیورلر.

بویکی قومک موفقیات تمدنیله سی آسیانک یری دیگر ایکی بیوک قومک موفقیاتی یاننده بک سونوک قاله جق در. واقعا الآن زمانمده بویری قوملرک قوللری ضعیف، مدنیتلری سونوکدر. لکن آئیده موفقیتلری هر حالده دها زیاده در.

بالخاصه زاپونلر بز تورککله نظراً دها مسعود بر حیاته مالک اولدیلر. تصادف کندیلرینه یاردم ایتدی. اوتوز بش سنه ظرفنده بیوک بر سهولتله یوکسک بر درجه مدنیته واردیلر. اودرجه ده که کندیلرندن اوچ عصر اول طریق ترقیه داخل اولمش اولان روس قومی بر مبارزده خاک هلاک سردیلر.

افندیلر، خبر کنججه بومنونیت آورتشبتاتی عرض ایدمک، یقینده زاپونیا ده اسلامه مخصوص جامعلرده یایله جقدر (القیشدر) بو حالده سزه زاپونیا نیک بروکیلی اولمق اوزره تکلیف ایدیورم: ویریکز الکزی: برسوزکافی در. قارداشلمیزی هپ برابر سلا لایه لم (سورکلی القیشدر)

زاپونیا ده کیندی کمده سزک صاف وقارداشجه سلاماتکنز ایله حسیات صمیمیه کزی زاپونلره کال نمونیتله تبایغ ایدمک. (القیشدر) بز زاپونلر تقریباً ۲,۵۰۰ سنه ک بر حیات تاریخییه مالکنز. بونی بزه تاریخلمز کوستریور. لکن زاپونیا لیلرک قلبی صوک زمانلرده غایت درین بر جریان مادیاتپرستانیه تمایل ایتدی. بو ایله درین و مادیاتپرستانه بر جریاندکه بز قلمزدن اوریور. آوروپانک مدنیت مادیاسی بزم تمیز زاپون قلملمزی لکه دار ایتک ایدیور. ایشته بز بوکا چاره ارایورز، و سوریورز:

عجبا بز زاپونلر نه واسطه ایله بوسقوط اخلاقییه قارشیه کله بیلیرز؟ اخلاق ملیه مزک بوزولمسنی منع ایدمک نه کی بر چاره بولمق تمکندر؟ مرض اخلاقییه تدائی اخلاقی لازمدر. بو دوا، بو چاره البته دین در.

عجبا بز تشفی ایدمک، بز اخلاق سزلغه دوشمه دن ایقویه جق هانکی دین در؟ بزم فکریه کوره بودین، دین اسلامدر (القیشدر) افندیلر، بزم یگی زاپون معشر اسلامزه یاردم ایدک. الکزی ویرک. (القیشدر) سزه المی اوزاتیورم. (القیشدر) بزم جمعیتمزده یاردم ایدک. (القیشدر)

اگر بز بر مزک الارمزی صیتار ایسه ک قلملمز براولور. قلملمز براولورسه غایه خیالز اولان اتحاد حصوله کلیر. (القیشدر) بن - عمر حاجی - عمر اولدیم مدتیجه بوخیالک حقیقت پذیر اولمسی ایچون چالیشم جنم. (القیشدر) اتحاد اسلام فکریی مملکتمزده نشر ایدمک... (القیشدر) حیاتم بومله موقوفدر... (سورکلی القیشدر)

صحتکزه، سلامتکزه، طول عمرکزه عمر حاجی دعاچی کزم... (سورکلی القیشدر)

مصطفی زهدی بک افندیک نطفی

افندیلر، بونطق بایغدن صوکر طرفدن برشی علاوه ایتکه اصلاً لزوم یوقدر. فقط برایکی سوز سولیک ایچون مساعده کزی استرحام ایدمک.

[عموم: تشکر ایدرز، لطف ایتش اولورسکنز... بیوروکز افندم...]

حکومتز اندیشه فردا ایله بر حقوق مسائل سیاسی و ملتزم عظیم مسائل اجتماعیه ایله مشغول اولدیفنی بر زمانده استانبولک برکوشه سنده ویریلن بومسامره نک الهاماتیه بنده حاصل اولان ایلک نتیجه فکریه شوندن عبارتدر:

مليه مزی دها پارلاق کوسترمک بزجه اوراده مقصد کافی در . لکن
اسيايه توجه ايدنجه ، بر الهام دياتپرورانه ايله ، محروم حیات و غذا
انسانلر دافاضه روح و مدنيت بزم وظیفه مزی تشکیل ايدر . [الفیشلر]

مصطفی عاصم افنديک لطفی

سوکیلی قارداشلر ، محترم سامعلوم ! بزی شوکیجه بورایه جمع
ایدن و بو وسیله ايله بر طاقم ارشادات و بینات عالیله ايله افکار مزی
و بالخاصه اسلامیتک و عثمانیایک عاجز و فدا کار حیاتی برخادمی اولان
بو عبد عاجزک افکارینی تنویر بیوران عبدالرشید ابراهیم افندی
ایله محترم قارداشیمز حاجی عمر (یاما اوقا) افندی و انک بیاناتی
ترجمه ايله علاوه مطالعات بیوران مصطفی زهدی بک افندی به عرض
شکران ایلرم .

الناس فی التمثال کلهم ا کفاء
ابوهم آدم والام حواء
فان یکن لهم فی اصلاهم شرف
یفأخرون به فالظین والماء
ما الفضل الا لاهل العلم انهم
علی الهدی لمن استهدی ادلاء

قسم اعظمکیز لسان عربی به واقف بولونديکیز جهتله نطقمه
امام علی (کرم الله وجهه) حضرتلرینه اسناد اولونان بو ابیات
حکیمانه ايله باشلادم .

انسانلر شکل و صورت جهتله یکدیگریک اشلری و مماثللری در .
هپسینک پدری آدم ، والدلری حوادر . اکر بر اصالت ، بر نسب
دعواسیله یکدیگریک تفاخرایدنلر ، اقوام و عناصر آره سنده شرحه
تقدم آرامق داعیه لرنده بولونانلر و ارایسه بیلدینلرکه جهل سنینک اصلی
طوپراقدر . فضیلت ، ارباب کماله ، اهل علم و تقوايه عاندر . ایشته
عبدالرشید افندیک نطقنک خلاصه سی .. ایشته عمرک ، کائناتک
خلاصه سی ..

کائنات بر نظر دقت ايله مطالعه ایدیلنجه ، کور و لورکه بر چوق
عائللرک مجموعی در . بر چوق اقسامک مجموعندن متشکل بر هیئت ، بر
چوق اجزایک هیئت عمومیه سندن مرکب بر کتله در .

عالم حیوان ، عالم نبات ، عالم جماد ... بولردن هر بریسی ، حتی
عالم ارواح برر عائلیه تشبیه اولنور .

ایکینجی درجه ده مثلاً انسانلر اقوام و عناصره انقسام ايله برر
عائله در . بوتون بنی بشر برعائله ، دولتلر برر عائله ، قوملر برر عائله ،
عائللر برر عائله در . شو حالده کائناتک بتون اجزاسی ید قدرتله
وجوده کتیریش بر هیئت مجموعه عائله اولمسی و انسانلرک ، سائر
حیواناتک ده اویله برطاقم عائللره انقسامی انسانلرک افرادی آره سنده
نوعیتلری اعتباریله فرق حقیقی اولمديغه بر دلیل در . و حقیقه فرق
یوقدر . چونکه عندالاسلام ثابت اولان حقایقندن بریسی ده هر شینک
عدمندن حصوله کیش اولمسی در . و علم حکمت نقطه سندن اجسامک

بز تورکلر ، آسیانک صولوق ضیالی هلالی ، دها آهسته حرکت
ایدیور ، اکتساب قوت ايله بزدن غداي مغنوی عرفان بکله یین
چوراق آسیا سکنانه حیات بخش اوله جق غذا و یرمکه اکتساب قوت
ایلیورز . فقط ضرری یوق . آسیا اقوامیله تورکلر آره سنده موجود
اولان رابطه روحیه اعتباریله بوطاات جبرتلافی ایدیله جکدر . نتیجه
نقطه نظرندن ژاپونلرله آره مزده ذره قدر فرق یوقدر . آسیای
غربی یی تمدین ایتک وظیفه مزدر . وظیفه اجتماعی ، دینی و لسانیه مزی
اجرا ایدرک آسیای غربی به حیات و یره جکیز . [اوزون آلفیشلر]
لورد کورزون سولیش اولدینی بومشهور نطقنده دها صوکر
دیوردی : « آسیانک اقوام سائرهمی ایچون سعادت آنجق آسیانک
یرلی ایکی قومیه انکلیز و روس رهبری تمدینه متابعت ایتکدر .
چینلی لر ايله هند چینلرک ، هندیلرله ایرانلرک آسیاده بیوک موقع
اجتماعی و سیاسیلری یوقدر . اولر آنجق ایکنجی ، اوچنجی
درجه ده درلر . اولر ایچون آسیاده بروطفه تاریخیه و مدنیله اوله ماز .
ایشته بونقطه ده عثمانیلرک آسیاده کی وظیفه سنی کورمک ، بولمق
لازم در . غربدن شرقه کلن سیل مدنیت اون طقوزنجی عصرک
نهایتده بزم قابولر مزی جالغه باشلادینی زمان آسیا هم شرقدن ،
هم غربدن ، هم شمالدن ، هم جنوبدن طوغمشدر ، دیمک کافی دکدر .
بر آياغمز اورویاده اولدینی حالده دیگر آياغمزک آسیاده اولدینی
اونوتماملی یز . اصلمزک آسیادن کلش اولدینی آسیاده دیل ، قان و دین
قارداشلر مزل بولونديغی خاطر مزدن چیتار ماملی یز . بالخاصه اولرک
بزدن تشنه نظرلرله حیات و قوت ، علم و معرفت بکله دکارینی عقلمزه
قویملی یز . چونکه اولر آنجق اوسایه ده یاشایه بیلیرلر .

ایشته بونقطه نظر بزه وظیفه اجتماعی مزی تعیین ایلکده در .
اویله ظن ایدرم ، مملکتتمزک کنجلی قوممک ، تورک قوممک بو
وظیفه تاریخیه سنی یکرمنجی عصرک قسم اولنده طانیه جق و آسیاده
بیوک بروطفه اجتماعی و مدنیله اجرانسه باشلايه جق در [الفیشلر]

افدیلر ، وظیفه مزی تمدین در . بالطبع مقصد مزی صرف اجتماعی ،
مدنی و علمی اوله جقدر . ذاتاً بوزک فوقنده بز برشی امل ایدیور
وهیج برشیدن بحث ایتک ایسته میورز . سیاست بزدن اوزا قدر .
بزاسیاده سیاست یا پمیا جغز . اسیا طوغارسه علما ، انسانیه ، مدنیه
طوغار ، و بویله طوغمالی در . علم انسانیت ، مدنیت اقوامک رهبر حرکاتی
اولورسه اقوام آراسنده سیاست تضاده اولماز .

تکرار ایدیورم ، اسیا طوغمق اوزره در . و فقط بوسیله بز
تورکلره عظیم بروطفه توجه ایلکده در . بناء علیه توصیه ایدرم .
اونوتمامیکیز ، اسیا جهتمده نشر علم ايله ، نشر حقایق ايله لسان
و ادبیاتمزی ، دین و ملیتمزی تقویه ایتک بورچنده یز [الفیشلر]

عثمانیلر ذاتاً بو وظیفه لرینی اکلامشدر . بزاورویایه قارشلی اورویاده
دها زیاده مناسبات سیاسی و حقوقیه مزی حسن ادامه ايله اشتغال
ایدیورز . اورویاده کی وظیفه مزی دها محدود و دها آزشامل در . مملکتتمزه
قارنیه متوجه تعرضاتی یالکیز دها کوزل صورتده دفع ایتک ، شوکت

بوجهیتك كافه افرادینی طبایفه سوق ایده جك اولورسوق جمعیت معلول
قالیر . بناءً علیه بویولده تقسیم مساعی به لزوم واردر .
ایشته شریعت حقه جایله اسلامیة انسانلره علمی ایکی صورته
امر ایتشدرد :

۱ - فروض عینیه اوله رق ، هر مسلمانان آیری آیری لازم
اولان علوم .

۲ - فروض کفایه اوله رق ، افراده تقسیم صورثیه لازم
اولان علوم .

بیلیرسکیز ، فروض عینیه دن اولان تکلیفات ، ابتدا احکام
دینییه دن باشلار . هر مسلمان کنیدیسنك اعتقادیته ، عبادته ، ومعیشته
متعلق لازم اوله جق امور واحکامی اوکر نمک . مأموردرد . مثلاً متأهل
اولیان بر مسلمان ایچون احکام نکاحی اوکر نمک فرض اولمیدنی
حاله تأهل ایدنلر ایچون لازم اولیور . کذلک تجارتله اشتغال ایتمین
بر آدم ایچون معاملاته دائر احکامی اوکر نمک فرض اولمیدنی حاله
تجارتله اشتغاله باشلاینجه اوکا دائر احکامی بیامسی لازم کلیر .

فقط بز نه وقت اوروپالیرك بیوک تجارتخانه لرنده بر حقوق
مشاوری بولنورسه او وقت بووظیفه نی اکلارز . چونکه اوروپا
بر حقوق مشاوری بولوندریورمش دیه کتب اجتماعیه لرنده کورمشز .
اوروپالی یاپدینی ایچون کوزلدر ، دیوروز . فقط دین «تجار ایچون
مسائل تجاریه نی اوکر نمک لازم در» دینجه تقدیر ایتمیز .

شیمدی بز بونی تدقیق ایده جك اولورسوق دهها بك چوق
حقایقه واصل اولورز : عبدالرشید ابراهیم افندی خوجه من بیور -
دیارک برطاقم آدمیر مکیه کلیر ، طواف ایدرلر . فقط آنده نه کی
مقاصد بولونمی لازم کلیدیکنی دوشونمز لر . غافل کلیر ، غافل کیدرلر .
بو ، طوغرودر . حالوکه بویله برواسطه سیاسیه باشقه هیچ برملتک النده
یوقدر . بویله ایکن اولرک عقلامی انسانلری بر آره یه طویلایه جق عمومی
سرکیلر کی تدایره مراجعت ایدیورلر . دین اسلام ایسه بزنی بوزحمتدن
قورتارمش . کعبه معظمه نی زیارتی اوزرمزه فرض قیلمش در . ارباب
اقتدار اورایه کیدر ، برچوق اخوان دینی ایله کوروشور ، معلومات
آیر ، مملکتلرینه ایصال ایدرلر . هر سینه دنیانك هر طرفنده کی
اهل اسلام بوواسطه ایله یکدیگرینك احوالندن خبر آلمش اولور
[آقیشلر] بیایرسکیز که دین اسلامك احکام مبعوله سنده کی حکمت هم
مادی ، هم معنوی در . چونکه اودین عالی بر دین سیاسی در ، بر دین
فنی در ، بر دین اقتصادی در ، بر دین عرفانی در ، حالی دنیوی و اخروی
سعادتی موجب بر دین عالی در . [آقیشلر]

انسانلر - تورکلرک اک بیوک شاعر لرندن توفیق فکرت بکک
« اینانمق احتیاجی » شعر لطیفنده دیدیکی کی - اینانمق احتیاجنه
معروضدر . یعنی معنویاته اینانمایان آدمده اخلاقاً ، حساً ، سعادتاً
برچوق نقایص واردر . انسان بوجهته معنویاته اینانمغه محتاجدر .
فقط بوکا اینانه جق انسان حق ، باطلی سچمیه رك ایمان ایدرسه شقاوته
معروضدر . طوغرویه اینانمق احتیاجی دهها جلی ، دهها خالق در .

اصلی ماده دن ، ایزردن عبارتدر . اولیه ایسه هر شی واحد
راجعدر . فقط بو واحد دن نشأت ایدن حقایق آیری آیری ، هربری
کنیدیسنی تشکیل ایدن ماهیات ایله ، صفات ایله بربرندن تمایز ایتشدرد .
ایشته انسانلر ماهیت حقیقیه سی و آکا انضمام ایدن صفاتی سببیله
حیوانلره فائق اولمشدر .

عجباً انسانلرک سائر حیوانات وبتون حادثات اوزرینه تقدمنك
سبب حقیقیسی ندر ؟ یمه لری ، ایچمه لری می ، یوقسه قوتلری ،
سسلری می ؟ هیچ ظن ایتم که بونلر اولسون ، بویله اولسیدی ، مثلاً
آرسلانك انسانه فائق اولمی لازمکله جکدی . چونکه او انساندن
دها قوتلی در . کذلک سسی کوزل بلبلرک فائق اولمی اقتضا ایدردی .
چونکه انسانلرده اوقدر کوزل سسلیلر بولونه ماز . دیمک که بونلر
انسانك تفوق و تقدمنه بر سبب تشکیل ایده من . انسانده ودیمه جایله
الهییه اولان وخیر وشری فارق بولونان بر قوه میزه ، بر قوه ناطقه
وار ؛ ایشته انسانك ممتازیته سبب اودر .

آنچق هر هانکی بر قوت اولورسه اولسون کنیدیسندن علی وجه
المطوب استفاده ایدلمکجه آدن بر نتیجه مهده حاصل اوله ماز . آدن
استفاده ایتک لازم . بناءً علیه قوه عاقله دن استحصا اولنه جق
فائده ندر ؟ یعنی قوه عاقله نه صورته استخدام ایدلمی ؟

بك اعلا بیلیرسکیز که موجوداتدن هر نوعك کنیدیسندن مطلوب
کالائی وار . بر آدم قلمنی یوننارکن قلمتراش ایله النی کسر سه بو بر
ضرر اولمغه برابر قلمتراش ایچون نقیصه دکل ، کالدر . چونکه
نوعندن مطلوب اولان بوایدی . عقلدن مطلوب اولان کال ،
حقایق اشییایی اکلایمق در . هر هانکی بر عقل که هیچ قوللانیان
بر قلمتراش کی در ، او عقل هیچ در . بناءً علیه بو عقلک صاحبی
« بنده انسام » دیه حیوانه قارشی غروره حق اوله ماز . هر هانکی
بر عقل لایق اولدینی صورته استعمال ایدیلیرك حقایق علی خلاف
الواقع اوکر دیر ، بو عقل دمیکنی عقل کی اولمایوب عادتاً صاحبك
باشنه بلا کیلیر . چونکه مطلوبك خلافته قوللانشدر . برشیی
خلافنده قوللایمق سوء استعمال در ، هدردر .

شو حالده انسانلرک زیادہ نظردقت و غیرتلی اوکنده
بولوندرملری لازم کلن مسائلدن بریسی عقللری بوش بر اقامق ،
حقایق اوکر نمک سوق ایتک در .

فقط عربك (العلم کثیر والعمر قلیل) دیدیکی کی حقایق کونیه نی
اوکر نمک ، واجبات و ممکناته دخی شامل اولمق اوزره بوتون علمی
احاطه قدرت بشریه دن خارجدر . بو حالده انسانلرک نه یایملری لازم کلیر ،
نه یاپارلر ؟

بر کره صورت عمومیده هر فرده آیری آیری لازم اولان
علمی اوکر نیرلر ؛ اندن صوکر ا هیئات اجتماعییه عائد علمی
تحصیل ایدرلر . بوجهته بر جمعیت انسانیه ده عدد معین دائره سنده
مهندس ، عدد معین دائره سنده طیب ، آووقات ... الخ .. بولمق لازم .

دین اسلام اینانمفی احتیاجنی دفع ایدیورمی؟ های های. نهیه؟
اول امرده بر معبود عظیمه. نصل اینانیورز؟ ظن ایدرم که، بز دین
اسلامده بولونانلر هر بر من کندمزدن و بز من مثل من، ماهیت نوعیهجه
مشترکمز اولان انسان و مخلوقات سائردهن صادر اولسی ممکن اولمایان
آنارک خالق، موجدی اولان برذاته عبادت ایدرز. مثلاً شو کره
شمسک اطرافنده دوران ایدر. فقط بونی دور ایتدیرمک ایچون
انسانلرک وسائرمنک قوتی، قدرتی واریدر؟ ایشته اوخالقک بوکی
آناریلر انسانلرک قدرتنک فوقنده اولسی لازم کان نه قدر
حادثات وارسه هیئت مجموعه سنی وکافه موجوداتی ایجاد ایلان ذات
اقدسه ایمان و عبادت ایدیورز.

اوموجوده اینانیرز، و آنده معبودیت تصور ایدرز. ایشته
اوموجوده لایق اولان تعظیبات تکریمات، ابجالات... بونصل ایفا
اولنور؟ اوموجود بز من کنندی جنسمزدن اولمدینی ایچون بز اونی
کنندی کندمزه تعیین ایده میز. بن کندی کی انساندن بر لطف
کورورسم قیاس نفس ایله آنک ممنون اوله جفی شیئی بولورم، فقط
اوموجود انسان دکل، ماده دکل. اوله ایسه رضاسنی تحصیل ایچون
نه یایمق لازم کلیر؟ او الله عظیم الشان کمال لطفیله بز وظیفه عبودیتی
ایفا یوللریخده اوکرتمش در.

انجق اونی ایفایدرکن هم وظیفه مزی لایق اولدینی وجهله ادایه
چالشمش اولورز، همده عین زمانده صحه، اجتماعاً، سیاسة، روحاً
اخلاقاً برچوق فوائد استحصال ایدرز. ایشته حج بونک اک بیوک
برمثالی در. اللهم نظرکاه احدیتی اولان کعبه معظمه، که معاصی
بشر اوراده دوکولور.

برمؤمن بیت اللهی طواف ایدرکن اللهم اسماء سبحانیسی ذکر
ایدر، الاء ربانیسی نظر دقت وتأمله الیر.

اک بیوک عبادت عظمت الهیهی تفکر در، بصورتده قات قات
حسنات احسان اولنور. اوراده برحاجی دنیوی و اخروی سعاده
مظهر اولور. پیغمبر علیه السلام افندمزا اوراده دوغدیغنی، اوراده
تأسیس دین مبین ایلدیکنی، اوکعبه معظمه بی طواف ایلدیکنی دوشنور،
قلبنده کی ایمان قوت بولور. ایشته حج بعض فوائد مغنویه سی
(القدشیر)

حج فوائد مادیه سندن بحث ایتیه حکم. بالطبع بوکی مجالس
اجمال مجالسی در. واونی ده رشید افندی ایفا ایتشد.

عبادات سائردهی دوشونه لم: زکات وار. بونی برطاقم آدملرک
استثقال ایلدیکنی ایشتدم. فقط بو، حقیقتی بیلیمه مکدن، دول
متمدنه نک معروض اولدینی مصارفی و بوکا مقابل ویرکی مجبوریتی نظر
انصافه المامقدن نشأت ایدر. زکات نه در؟ شرائط مخصوصه شرعیه
دائرهنده مالک برقسنی تملیک ایتک، ویرمکدر.

فقیر آدم زکات المغه اهل اولور فقط اک بیوک اهل خزینه در.
عجبا هانکی دولت متصوردر که اهالیسنک ثروت مملوک سندن سنه ده
انجق یوزده ایکی بحق ایله اداره حکومت ایده بیاسون؟ اک متمدن

دولت لک ویرکیسی ۱۳، ۱۸، ۲۴ قدر جیهیور. بز من، دین اسلامک
وضع ایتدیکی ویرکوا یسه اموال تجاریه ده ۲۴ در. شو حالده بو ویرکینک
آغیرمی کورولسی لازم کلیر؟ یوقسه کمال تشکرله قبول ایدلسی می؟
شو ویرکی ویردیر مکده نه کی حکمت وار؟ اولاً باقلی که شریعت
جلیله اسلامیه ده شو ویرکی تحصیل خصوصنده حقوق حریت نه درجه
رعایت اولنور؟ سز ویرکی کیزی کتورر، خزینه یه ویررسکز، دین
شرعی کیزی ایفا ایتش اولورسکز. فقط بر فقیر آدمه ده ویره بیلیرسکز.
ینه بویه اولور. لیکن سائر دولتدرده خزینه یه کتیرمدکجه وظیفه ایفا
ایدش اولماز. اسلام بتون احکامنده بز حریتی اوکرتیور.

(آلفشیر)

اسلامک امرایتدیکی حریت، وجدانلره بخش ایتدیکی سربستی
مقتضاسنجه اوحکومت جلیله نک مبادی تأسیسنده یعنی اسلامک ادوار
ذهبیهنده نه صورتله ویرکی تحصیل اولدینی دوشونه لم. تعداد اغنام
حقنده «نهج البلاغه» ده مندرج مکتوبلر بز او عدالتی کوسرر:
«سن حقوق حکومتی تحصیل کتدیکنک زمان اک ایسنی سچمه
ومکلفینی تضییق ایتمه. چونکه او مالدرده صاحبک حق حکومتک
حقندن ده چوقدر.»

ایشته اسلامک حریتندن بر نمونه! (آلفشیر)

انجق بوکی مساعدات لایق اولانلره بخش اولنور. نه دن تطبیق
ایلدیکنی سؤاله حقمز یوقدر. بوکی احوال مقابله قاعده سیله
جریان ایدر. بن نصل اکسیک ویرمک چاره سنی آراسه حکومت ده
تحصیل چاره لرینه اوله جه توسله مجبور اولور. فقط او زمانلر هیچ
کیمسه هیچ برشیئی کتم و اخفا ایتزدی.

ایشته انسانلرک اخلاقی منتظم اولورسه قوانینه احتیاج قالماز.
چونکه انسانلرک محکمه یه کیدی قانون اخلاقی یه بویون اکین صنفی در.
اصحاب اخلاقک کیده جکری یالکیز بریر وارسه اوده مفتی حضو.
ری در، که حق کلامق ایچون اورایه مراجعت ایدرلر. فقط بز
کی ایسنی بایدقدن صوکر قانونه اوغرا شیرجه سنه توفیق ایتکه حیلایه
صاپانلره البته هرشی اوله جقدر. شریمتک بز بخش ایتدیکی حقوقی
اله آله رق استفاده یولی آرایوبده کندمزه تعلق ایدن وظائفی ایفاده
تکاسل واهمال کوسرتمک بیلیم قانون اخلاقی ایله نصل توفیق قبول
ایدر؟

شو حالده بحشمزک اولنه دونه لم: علمه. بز علم دینجه نه بو علمی
عادتا اک بسیط بر مسلمانانه کافی علم شرعی دیه دوشونیورز، نه ده
هر شخص عثمانی نک کافه علومی احاطه ایتسنی تصور ایدرز.

هر کس اولادین و دنیاچه محتاج اولدینی معلوماتی احراز ایتلی،
صوکراده معیشتی تدارک ایده جک معلوماتی استحضار ایتلی و اوائلده
منسوب اولدینی جمعیه خدمت ایچون لازم کان حتی ایفا ایتلی. منفعت
شخصیه نک ضمنندن منفعت عمومیه چیقار. شو حالده بز منفعت
عمومییه خدمت ایده جک دیه کندمزی فدا ایدرجه سنه طوغرودن

ایده میه جکم . عثمانلیلرک منافعه خدمت ایده جکم و بونکله انسانیت حقیقیه واصل اوله جقم. (آل قیشلر)

ایشته بوندن صوکر دایره عائیتی کنیشسته جکم : دیه جکم که دنیاده نه قدر مسلمان وارسه اولرده بنم عائله مدن عبارتدر . کندی منفعتی نصل دوشونورسه اقصای شرقده کی برمسلمانک منفعتی ده عینله اوله دوشونورم، کوجم یترسه اونک الامنه یتشیرم. [سورکلی القیشلر]

ایشته بوصورتله اخوتی ، صمیمیتی تکمیل انسانلره تشمیل ایده جکم : انسانلر براباردن طوغمش قاردشلددر ، دیه جکم ، جمله سنه لحاظه شفقت عرض ایده جکم [ینه القیشلر]

اسلامده اتحاد ارزوسی احتمال که بعض آدملر ایچون غریب بر آرزو دیه تاقی اولنور . حالبوکه عالم انسانیتک ، - مسلم ، غیر مسلم - بتون عالم مدینتک الک صمیمی مطالبندن بریسی اتحاد اسلام اولملی در ، وبومقصد اهل اسلامه منحصر قالماملی در . ذاتاً حقیقی اکلارسلر اسلام اولمایانلرده بوکا اشتراک ایدر . نهدن ؟ هانی بزانسانیت عائله سی ایدک . عائیت نه یاپار ؟ شریکنتک منفعتته خدمت دکلکی ؟ عجیابو خدمت یالکیز منافع مادیه سنه می منحصر در ، یوقسه منافع دماغیه وفکریه سنه دهنی شامل در ؟ هیچ شبهه یوق بو اشتراکدن مقصد ، مطلقا بر سعادت ابدیه تأمین در . ذاتاً انسانلرک الک برنجی وظیفه لری ، خدمت لری دماغ بشری تنویر ایتک در ؛ ظلمت جهل ایله دماغلرده تأسس ایتش باطلاقی سوکوب آتمق ، دماغ انسانی بی نور حقیقتله جلالندیرمق در . حال بوکه دین اسلام نه دییور ؟ مؤتلف اولوک ؛ انسانجه طوغک ، انسانجه یشایک ، انسانجه اولک !

بزبونی بتون انسانلره تلقین ایلسه کده بویله بروحدث بشریه حاصل اولسه جمعیت بشریه ضررمی کورور ؟
اوله ایسه اتحاد اسلام فکری بشریتک ضررینه دکل ؛ کارینه در ، یالکیز ایش نره دده در ؟ ایشک ایچنه مقاصد سیاسییه قازیشیرده . بنم نصلسه اله کچمش اولان نعمتی دیکری شو وسیله ایله قانی ویررسه ...»
دیه قورقولیور .

بونک برمثالی حسددر . حسدانسانلر آراسنده مستولی برخسته لق در ، انجیق اولیاءالله آراسنده حسد حکمنی اجرا ایده میور . اولیاءاللهک قطع مراتب خصوصنده بربریه محاسبه لری وارمی در ؟ یوقدر . نهدن ؟ چونکه عبادتک مکافاتی اخروی در . نعمت اخرویه ایسه غیر متناهی در . بکا لطف بیورمقله نعم الهیه اکیلمز .

فقط امر دنیا بویله دکل . علما آراسنده ، ارباب معارف آراسنده حسد وار ، دیرلر . طوغرودر . چونکه بری اوتنه کنی بر موقعده کوردکجه « نهدن بن کری قالدیم ، دیر ، بکا ویریه جک شیء او آلدی . بن آچیقده قالدیم . دکلکی که مطلقا بر سچمه ایله ویریه جک ، هر حالده بر قاقی بوشده قاله جق ... »

شیمدی دولترکده سیاستی بودر . دولتر اخلاقی ، مدینتی ، انسانیتی بر طرفه بر اقوبده مسئله بی سیاستیه دوکک ایسترلرله

طوغرویه هر شیئی ترکه حاجت یوقدر . اما هر شیمزدن تجرد ایدرک بتون موجودیتیزی منافع عمومیه حصر ایدرسه ک . . بو ، بیوک شاندر . فقط بن ، کندی حسابمه کوره ، هیچ زحمت چکمه دن منسوب اولدیغمز ملته خدمت ایده بیلیرز ، اعتقادنده میم . منفعتمزدن هیچ بر شیئی فدایه حاجت یوق . فقط جمیتک ، ملکنتک سعادتک منفعتک صورت استحصالی اوکرمکدر . نه وقت بونی یاپارسه ق دنیا به حاکم بر ملت اوله جقمز شبهه سزدر . (آل قیشلر)

علوم دنیویه دخی شرع شریفک اوامر جلیله سی جمله سندن در . مثلاً اسلامده آثار و فضلی ، کالات علمیه و تقوایی بتون دنیا طرفندن تصدیق اولونمش غزالی مرحومک احیاء العلومنی آچکز ، سزه دیه جک که : بولوندیغکز جمعیتده مقدار کافی اطبا بولنمایه جق اولورسه جمله کیز عاصی سکیز !

ایشته مثلاً بو ، فرض کفایه در . هر جمعیتده لازم اولدینی قدر ارباب طبابت بولونه جق در . نقصان اولورسه اوجمیت آتم اولور .
بو کون بزایی بیانیورز که امتلر شوکتلرینی ، استقلاللرینی محافظه ایتلری قوه مادیه و معنویه متوقفدر .

حضرت پیغمبر (صلم) امت واصحابنه زماننده موجود اسلحه نک هپسنی ویرر ، تجهیز ایدردی . بز مسلمان اولدیغمز ، دیانت صحیحه اربابی بولندیغمز ایچون هر نه حالده اولور ایسه ک اوله لم بزم ایچون هر یرده مظفریت شبهه سزدر ، دیمک بر خیال باطلدن عبارتدر . بویله اولایدی حضرت پیغمبر علیه السلام واصحاب کرامی اللرینی ارقدرینه باغلار ، اوله حربیه کیدرلردی . حالبوکه اوله می یابدیلر ؟ هپ زمانه کوره لازم اولان اسلحه ایله وامکان دایره سنده اصحابی تجهیز ایتدی . اولا بویله حاضر لاندیلر ، صوکر (وما النصر الا من عندالله) دیدیلر ، هر شیده نصرتی اللهدن بکله دیلر . بوسایه ده لوی محمدی بی جهانک اقطار مختلفه سنده نموج ایتدیر دیلر . (آل قیشلر)

دمین عرض ایتشدم که انسانلر بر جوق عائله لرک مجموعی اوله رق یننه برعائله در . شیمدی بز عجا قاق درلو عائله یز ؟ وانسانلر آراسنده عائله نصل تشکل ایدر ؟ عینی دولته ، عینی لسانه ، عینی دیانته ، حتی عین صنعته ، مسلکه سالک اولانلرده برعائله در . بر کره بودولت دولت اسلامییه در « الله پایدار ایتسون » بر جوق عناصردن مرکب برعائله ممزجه در . صوکر ایکنجی درجه ده عائله لر وار : مثلاً حکمیلر ، اجزاجیلر صوفته لر ، عسکرلر ، کاتبلر ... بونلر هپ بر عائله در . فقط او عائله لرک ایکنجی درجه ده ده برعائله لری وار . شو حالده هر بریمز دیکره نسبتله برجزه مثابه سنده یز . شیمدی مثلاً عثمانلیلق عائله سنک بر پارچه سنی بن دیکر برر پارچه لرینی ده سز تشکیل ایدیور سکیز .

اندن صوکر ا حدود عثمانیه داخلنده اسلامله شرفیاب اولانلر وار ، بونلرده بر پدرک اولادی در .

شو حالده بن هیچ بروقت عائله مک ایچنده منفعت شخصییه قصر آدل ایده مدیکم کی بومملکت داخلنده ده کندی شخصییه قصر آمال

او وقت اتحاد اسلامی ده ایسته مزلر، اتحاد خرسیانی پی ده ایسته مزلر، اتحاد بلغاری پی ده ایسته مزلر. چونکه مثلاً اسلام اولر اتحاد ایتسه جرمنلر تهدیده معروض اوله جقلردر.

صوک عصرلره قدر بیلمه مش بر مسئله واردی. کره نك دوندیکی بیلمه یوردی. شیمدی ایسه دنیا بیلسون، نه اولور؟ کیمک ضررینه طوقنور؟ «یا هو! سزک بواغتقادلرکز هپ و هم. دونن شمس دکل، کره در. «دیرسک، «بیکی» دیر، قبول ایدر. نه دن بوکا کیمسه قیزمایور؟ چونکه کیمسه نك سیاستله بونک آلیش ویریشی یوق.

حالبوکه بونصل بر حقیقت ایسه اتحاد اسلام فکری ده اوله بر حقیقت در. فقط او ایشنه کلیور، اونی قبول ایتمز. «اتحاد اسلام اولمش، مسلمانلر ال اله و پرمش؛ بوندن سکا نه اولور؟ «دیه جک اولسه ک «ای اما، صوکر غیر مسلملری تهدید ایدر. «دیرلر. حالبوکه بوده بروهم. فقط آکلاده مازسک.

هرنه ایسه بز اونقطه پی براقلم، حسن نیتله چالیشه لم. اتحاد اسلامک معناسی نه در؟ اولو بوراده دیناً عائله من افرادندن بولونان مسلمانیلری یکدیگرینه طاقمق، قارداش اولدقلرینی بیلدیرمک. بوکا هیچ کیمسه نك اعتراضه صلاحیتی ده یوقدر.

عینی زمانده بر عائله عثمانیه اولدیغمیزی ده اونو تمایه جغز. بوده وظیفه مدنیه در. بوتون عثمانیلرک، یعنی دین و مذهب اعتباریه مخالفلرک دخی شرع و عقلک بخش ایتدیکی حقوقی طاقمقدن نه غائب ایدرز؟ بو، نه اللهک رضاسنه منافی در، نه ده مسلك سیاستمه.

اسلامیت عائلیتی محافظه ایله برابر عینی زمانده عثمانیانی ده محافظه جالیشمه یه بوزجلور.

سوزلرمی خلاصه ایدیورم.

ذاتاً سوزلرم دیمک، ایچنده بنم هیچ برشیتم یوقدر. بندن اول خطابت ایدن ایکی آرقداشمک ملاحظاتی خاطر مه بعض شیلر کتیردی. سزی راحتسز ایتدم. سوزک نتیجه سی جمله مزک بیلدیکی بر مرتبه انسانییه خدمت در. انسانلق دینلن بر مرتبه وار. انسانلر اوکا خدمت ایتمه مجبوردر. حتی طلبه مدن بیلنلر واردر، بن درس اوقوتورکن دیورم که خواجه ایله طلبه نك فرقی بر آفاق مردیوندن عبارتدر.

ایشته انسانلر آره سنده حقیقی برفرق یوقدر. سویله نیلن برفرق ظاهری، اجتماعی احوال دن عبارتدر. چونکه هر کسک کوتوره جکی سکنز آرشون بزدر. انسان قهره کیرنجه بو حقیقت تجلی ایدر. قنبورلر بيله اوراده طوس طوغرو اولور، دیگرلرندن فرقی قالماز.

انسان قورتوله میه جفی یک ظاهر اولان بریره کیده جکدر. بوعائلیت احکامنجه انسانه لازم اولان کندیسی رذیله جهلدن قورتارمق و کندی کی بر بابانک اولادی اولان انسانلردن جهلی ازاله یه چالشمق... ایسته غایه اسلام، ایسته اخلاق عالیه، ایسته مدنیت حقیقیه... [شدتلی، سورکلی آقیشلر]

عبدالرشید ابراهیم افندی نك ایکنجی قونفرانسی انشالله کله جک هفته یه

سلانیکده منتشر (روم ایلی) غزته سی عثمانی اتحاد و ترقی جمعیتی ممثلرندن مجاهد شهر دوقنور ناظم بک افندی ایله وقوعبولان ملاقاته عطفاً بوجه آتی بیاناتده بولنیور:

خابر — تعیم لسان ایچون نه پایلیور؟

ناظم بک — ترکیه مزک مملکت مزده عمومی لسان حکمته کیرمسی عثمانی نامی طاشیان بالجه و طنداشلریمز ایچون بر مجوریت قطعیه در. بو خصوصی تقدیر ایتمه بن هیچ بر عثمانی یوقدر. ترک لسانیه متکلم اولانلره وبالخاصه حکومت عثمانیه ترتیب ایدن وظیفه نك اک مهمی افراد عثمانیه پی یکدیگرینه ربط ایده جک اولان لسان عثمانینک سهولته تحصیلنی تأمیننه چالشمق در. بو خصوصده اک اول نظر دفته آله جفی نقطه، املا کیفیتله لسانی ساده لشدیرمک ایچون قواعدینی ترک لسانی قواعدینه انحصار ایتدیرمکدر. ترک قواعدینک نه قدر منتظم و بسیط اولدیفنی تعیم ایچون (غرائد آنسیقلوبه دی) نك ترک ادبیاتی حقنده یازدیفنی بندی اوقومق کافیدر، اوراده دینیور که:

«اگر دنیانک بوتون صرف علماسی بریره کلوبده غایت بسیط برغرام یا بنی دوشونمش اولسه لردی، ترک لساننک قواعد صرفیه سندن ده بسیط، ده منتظم برغرام تألیفی ممکن اوله مازدی. «عثمانی ملتی ایچون شایان ممنونیت بر نقطه ده اوارسه آسیاده بولنان وعددی هیچ شبهه سز یتش ملیونی متجاوز اولان ترک و تاتارلرک عثمانی لسانی لسان ادبیات و مخبرات اولق اوزره قبوله متایل و بویوله بز عثمانیلردن زیاده ساعی بولونلریدر. بر لسانی متکلم اولانلرک عددی نه قدر جوق اولورسه اولسانله محرر آثاره ایدیلر جک رغبتکده اونسبتده زیاده اواسی طبیعی و بونکده «ترقی» لسان ایچون نه قدر بویوک بر مشوق تشکیل ایده جکی آزاده ایضاحدر. روسیه ده بولنان ترک علماسندن دوقنور علی بکک دیدیکی کی ترک لسانی یالکر ترکرلرک دکل، بوتون اسلاملرک لسان فنیسی اولق استعدادینی حائزدر. بوذاتک ادعاسنجه اسان عرب لسان دینیسی؛ لسان ترکی ده لسان فنیسیدر.

— برانجمن دانش یالسی مقرریدر؟

— بوبابده معلومات یوقسه ده بوکی سؤاللرک تکرری مقصدک تأمیننه خدمت ایده جکی ایچون بویله بر سؤال قارشوسنده بولندیغمدن دولای سزه تشکرلر ایدرم. زیرا بوسؤاللر تکرر ایتله که بومؤسسه بر احتیاج مبرم صره سنه کچمش اولسون.

قاهره ده منتشر (الوا) غزته سی مصر حکومت محلیه سنک تطبیق ایتک داعیه سنده بولندیغنی نفی سیاسی جزاسندن بحثه دیور که: «لورد قرومرک مسلك سیاسیسنه مخالف اوله رق لورد غورسنتک کوستردیکی وفاق وائتلافک بر مقصد خفییه مبنی اولسندن طولای اندیشه ناك اولان عقلای قومک حکومت ایله اهالی آراسنده موجب تفرقه اوله جفی اسبابی ابتداء ازاله یه حصر مساعی ایتدکلرینک فرقنده اولیان قوه احتلالیه [۱] بر طاقم کوتاه پینلرک کوستردکلری آثار تودددن امیدلرک یکی مسلکلرنده بوقفیت تأمین ایتدکلری زعمیه قلیجلرینی چکدیلر، حریتی محو ایدن، شجاعت ادبییه کی کلچهلان عدالت و انسانیت قواعدینه کلیامغیر اولان مهور مطبوعات قانونی اورتیه قویدیلر. بوخیمه نك آلامیه ایکله مکده اولدیغمز بر صیره ده ایکنجی برفلیجک اوزر مزه تسلیم ایدله یکنی کوردک: آسایش عمومی یه محافظه بهانه سیله حکم حاکمه اقترانه لزوم کورلمکسزین مصونیت شخصیه پی، حق مدافعه پی اخلاص ایدن اداره نفی جزالری تطبیقانه معروض قالدق. شیمدیده نفی سیاسی جزاسنه نامزد بولنیورز. ذاتاً نفی اداری جزاسی بر

[۱] انکلیز اشغالی قصد اولنیور.